

同安縣志卷之二

山川

天地閒屹然而高者為山窅然而深者為川同
邑負山襟海閒氣所鍾蔚為人傑其廣大高深
長流峙於今古雖山經弗備載水註未及登而
鍾靈毓秀以壯山川之景色非徒供憑眺已也

志山川

山

芹山在縣北四十里自雲頂山發脉至高廬山綿延

同安縣志

卷之二

山川

而來高鎮一方界於南安三秀山之發祖也

三秀山距城北十餘里三峰秀出狀如筆架為邑之

北鎮一名仙人掌沿山而下有坑曰萬濤石壁陡

立曲折幽奇中有石榻禪牀巨人跡諸勝上有馬

坪牛皮崙明僧休歇結庵其處

明池顯方牛皮崙
訪休歇上人詩狂

風恣水一齊鳴畫裏遊人壁上
行六載深山和雪
定兩間茅屋半雲爭戒衣掛處
天華墜慧炬然來
野霧晴透得牛皮方到
此本無休歇亦無生

葫蘆山自三秀而來至東山入縣城北平地突起形

若葫蘆又有四小山俗呼五蘆山蓋縣治腦山也

明時倭警邑令徐宗奭駐兵於此四小山為居民
剗削大蘆山亦未免戕伐識者恨之

大輪山在縣城東北里許與應城山相接橫亘十餘

里羣峰自北奔躍如車輪宋朱熹詩休暇曹事簡
登高恣窺臨徜徉偶此

地曠望披塵襟落日瞰遠郊暮色生寒陰歎吁去
未已更欲窮幽尋行披茂樹盡豁見滄溟深恨無

雙飛翼往詣蓬山岑上有梵天寺寺上有紫陽書院明嘉靖

間邑人林希元用漳州開元故事建以祀朱子隆

慶初邑令王京建仰止亭於書院之上堪輿家咸

謂不宜建亭壓賢祠 國朝嘉慶元年邑諸生高

同安縣志 卷之二 山川 二

有繼改建於書院之右西南有羅漢峯元傑玉立
詩羅漢山

攢翠作堆半空山柱擁如來九霄 又有金光井蒼
人立青雲上笑指曇花玉樹開

翠岑金牛石諸勝東有二松交峙朱子手書戰龍

松三字於石有泉自石罅流出號聖泉味如中泠

大旱不涸越壑而上有朱子瞻亭二字相傳賈似

道過此欲摹取石字是夜石即倒懸後人鑄其旁

曰墜星石明邑令劉裳構亭其上揚舊書以額於

亭明劉汝楠瞻亭懷古詩石上亭非古山中道自
尊昔賢芳躅邁空谷白雲屯歲月磨丹嶂風霜

淨紺園戰龍雙老 遞北而行為尊者巖達夫巖達
樹一去莫攀援

六者宋縣令莫兼字也

宋莫兼題名石刻一阜祐庚寅季夏乙酉莫兼建夫張

士宗元卿黃宗曾希聖陳統總之薛穎士之付林

鑄成之錢戒子重宗溥君覃揚久中景常遊興教

寺北巖院越明日王儀子正諸君並一時賢者傾蓋於是故紀其盛而以令字名巖稍上為

習月巖山壁圓洞凝貯月色明何喬遠鐫字

國朝李蘇詩我何能召月使留月意欲為我

留者此刻我與月俱留白石青山小巖下

有朱子隸書極目二字明參政周峒巖來遊題曰

麟鳳龜龍邑人劉存德為之大書而鐫之又有紫

陽過化龍門振衣處倚天挹海天空海濶蒼玉峽

圭石等字

同安縣志

卷之二

山川

三

應城山在城北里許上有普慈院舊傳院中鐘聲與

閩王城鐘相應故名今院廢有東山廟在焉從廟

側登數百武為文公堤上有大石刻應城山三字

復題云朱子簿同時築堤以補龍脈嘉靖間李春芳刻石劉存德書之又刻鍾英毓秀四字廟旁一石字跡漫漶莫辨 國朝康熙四年乙巳忽露天

太平丙午五字明年丙午大豐

閩邑紳士公禁應城山羅漢峯漏砂

傷壞縣脈碑地靈人傑古今不爽考同安縣治自

三秀以發源洎玉蓋而結穴堆阜聳伏蜿蜒逶迤

惟應城山為最要宋朱子簿同時於此山築堤補

其脈造峯聳其勢所以保護縣治載在邑乘亦何

前人築之後人毀之賢人造之愚人壞之自是官
多註誤俗尚念爭士氣頽墜氏風衰薄弊蓋有自
來矣乾隆十七年署縣篆陳公鼎閱同山之奇秀
悼同俗之囂陵不憚跋涉相度源流乃由入脈之
山鑿石挑砂實階之厲慨然以興利除害為已任
顛聞大吏刻石禁止種樹累土以補其缺大功未
竣復回原任署縣篆熊公定猷奮然紹成之更出
示令保練馬快巡緝稟究各遵依以防其後學將
壞者復完將衰者復隆視朱子之築堤造峯心源
若接焉同人感二公之德壽諸石以紀之銘曰咽
喉銀邑岡嶺鍾祥紫陽過化夙美在疆無何俗變
龍脈戕傷士民凋瘵鮮獲吉康吳穹降福宰得賢
良補天成地嚴禁敘詳
勒碑紀德石壽並長
轉而上為第一山又名白

鶴山有大觀石明林下諸公多鐫詩於上而皆隱

其名 嶺山居士詩滄海桑田幾度還漁樵歸路往來閒舞雩歌詠借章冠更上羸洲第一山

同安縣志

卷之二

山川

四

守真道人詩第一峯頭去復還乾坤瞬息此中閒
俯觀萬象皆吾物漫道鶴山即泰山懷湖道人詩
北燕南鴻去不還忘機已共白鷗閒乾坤一嘯雙
眸闊弄月吟風第一山竹巖山人詩物換星移任
往還箇中生意自閒閒尋源直
上須彌頂認取乾坤第一山

九躍山在城東里許自臥龍山行而西九頓九伏如

龍之躍一名鳳山縣之左臂也其南為東嶽行宮

為佛子岡隋時有黃佛寺今廢明萬歷邑令洪世

俊就鳳山建石塔五層為儒學文筆是科登賢書

者八人明年許公獬捷南宮第一 明黃鳳翔新建石塔記鳳山石

塔為巖宮建也泉山川旁礪人物駁發自郡治而
外則首同安其巖宮居邑治西北隅而東南鳳山

拱焉邑侯徽歛洪公鳴琴多暇雅意作人每躬泣
明倫堂為諸生講德校藝徘徊容與向鳳山凝睇
顧謂諸生曰茲賓山也於方直巽且離方聯綴焉
巽與離皆文明地而突兀之觀靡稱也頃者邑人
文方隆隆起顧自蘇丞相後大魁鼎輔尚爾寥寥
盍營筆峯而聳之庶以助風氣幹昌運遂度基建
塔捐俸為邑人倡邑紳矜庶素感公德又謂是
舉也為德於譽髦甚盛相率効力斤材鳩工伐石
自附於子來之義費不煩公帑役不擾閭閻經始
於萬歷庚子正月即以是年七月告竣公欣然莅
止進諸生語之曰壯觀備矣諸生亦覩象得心乎
夫以懸繩累止日卑就高九仞罔虧循級非躓也
可以喻學
可轉也可以喻德其累呵嶺磨礪方弗露稜員弗
峙震撼彌堅也可以喻節唯德與節匪學弗成此
羽鏃彘括之譬良有以也爾多士其厚勛之諸生
則私相語公溫文和粹其德尊方潔靡淫其節完
殆以身身範士哉詩有之高山仰止景行行止匪第

同安縣志

卷之二

山川

五

一塔之為重輕也吾儕其永佩服以無負陶成至
教博士姚君王君李君率諸生請記於黃生而邑
人大參林公實承公德意倡其邑士民者亦以書
為之介紹黃生夙欽令公又沐河潤之澤最渥也
其敢辭蓋史冊所載良吏如辰陽長宋均蒲亭長
仇覽皆以興起黌校垂為佳績則未有敦切懇至
如公者也紫陽朱子嘗佐令於茲邑建尊經閣建
教思堂其遺風迄今在公紫陽鄉人也紹前哲振
來學異日若賢豪輩出追蘇丞相芳蹤不啻焉此
之謂德與山川齊永矣公居官廉平懸魚馴雉綽
有古循良風邑人所紀而咏者未能殫述第以茲
塔為甘棠云爾余既授公政教之大者編次為紀
復念趙郡石橋江州湖隄有其作之咸勒銘頌以
志不朽因係之銘曰地苞靈秀乃闢巖序瞻煜層
巒震離夾輔豎彼巍標矗為天柱雲根巖嶭霞彩
吞吐泮水滌輝羣峯若俯仰之彌高觀者如堵擎
架雲霄崔巍千古誰其貽之曰賢令公單父必子
中牟魯恭鸞鳳呈瑞菁莪向風爰協人力以補天

工石不煩鞭神若輪備崢嶸玉立灑氣春融山斗
在望百世龍從唯茲名邑多賢自昔陶鑄方新光
華焉奕復藉崇觀以寄永澤岡奠巨鼇星聯奎壁
英傑朋奮風教非述承流繫思勒詞紀績陵谷可
移今名
無斃
下有貞女墓

同山在縣東北里許與大輪山對峙山之陽有梅山

寺寺後大石壁立硃書同山二字字畫鮮明朱文

公筆也上有梅亭久廢 國朝乾隆丙戌年孟冬

邑人重建

葉廷梅記邑之有梅山也因梅亭而名也亭雖久廢而遺址尚存朱子所書同

山石上即其處也縈青繚白高踞絕頂昔有翼然臨者洵大觀也今則一席地幾不能保青烏之耽視近請於官示禁焉顧欲以杜覬覦而增勝槩則重建宜亟矣爰與劉君瀚謀諸同志醵白金數十

同安縣志

卷之二

山川

六

員斤材伐石閱三冬而亭成異時梅月松風登臨嘯咏將於是乎在無使緇流占盡名山以壞吾門牆也

孤卿山在同山東里許宋太府少卿林棐居其下故

名又有巨石刻騰紫峯三字朱文公手書

北辰山距城東北二十五里高拱北極上有巖巖側

有十二龍潭祈雨多應潭旁有二深東鳴則風西

鳴則雨明嘉靖辛酉春夏大旱邑令譚瓶臺維鼎

親謁祈雨立應邑人李春芳劉存業爲刻瓶臺霖

雨四字并詩三章

國朝邑令張荃亦鐫膏澤下

民四字於石

宋邱葵詩朝見北山青暮見北山紫
頌然土與石此色何處起無情草木

合清光朝露夕暉助明媚四時烟雨姿態殊天機
滾滾何曾已人見山上有青天誰知天在青山裏
欲問互靈知不知
白雲起處孤鳶飛

獬豸山距城東北三十里昂頭跂足宛如獬豸蹲踞

西顧縣治有虎視之勢亦名虎山

象運山距城東北三十里與禪居山對峙每有雲氣

生二山之上雖旱必雨與南安分界

東大帽山距縣東三十里廣袤一餘里形若大帽上

有距石如堦九級下有巖天成一室鑄石佛其中

同安縣志

卷之二

山川

七

又有龍潭山之陽曰白雲山清水巖宋紹興三十

一年建以祀昭應慈濟大師建時有童子衣緇坐

險石上謂人曰巖成之後當名龍歸忽不見尋有

甘泉湧於石下遂名聖泉

宋邱葵遊清水巖詩上
人栖息地仰見佛莊嚴

亂蘚緘新斃閒花覆古簷
浯山青入眼
榕樹紫垂髯獨步秋祠晚
雲間月一鐮

三魁山在縣東四十里三峯奇秀為邑之冠

鴻漸山在縣東四十里與南安分界聳拔高騫如鴻

之漸於達多產黃菊異花又名黃菊山浯洲隔海

遙望竦秀

鵲山在鴻漸南其形如鵲之跂故名

香山在縣東四十里山巔有石狀如香爐晨夕雲烟

裊繞舊名荒山明邑今朱徽改今名在民安九十里

磨山在香山南其石可礪故名

乍畫山在磨山西盤踞十餘里上有乍畫山三字中

多奇石如鼓如笏如龍如魚峻嶒奇幻松柏蒼翠

儼若畫圖故名

國朝劉寶玉乍畫山觀雲氣詩為愛名山接上台登臨四望畫圖

開神龍似向滄溟出威鳳疑從北闕來爛熳中天披錦繡氤氳環海幻樓臺草茅欲獻卿雲頌載筆

終慚襪線才

同安縣志

卷之二

山川

八

東山在乍畫山之東峻嶒蒼蔚上有石雞石猿與香

山之士鼓相對立春前後村中夜聞有猿鷄之聲

者其年必豐

登連山在民安十一都為諸都溪流鎖鑰其形如獅

與崑嶺象山隔溪對峙舊識云獅象把水口文章

高北斗山之西麓為浯島通衢坑流險阻古安林

延傑造石橋以濟行人

鷲鳥山一名靈鷲在縣東同禾里六都旁分兩翼若鷲鳥

鳳舞

福船山在縣東四十里同永里六都宋時有福船院
閩書宋福船院記略曰吾泉之山莫多於西南其
高絕者莫福船儂也雲開霧卷羣峰列秀勢若船
矣鄉人奇之加名曰福云按福船以其形似覆船
故名後人易覆為福馬
甲斗山在民安里馬家巷西邊山形延袤頂如印斗
有巨石仙人跡居人常於此祈雨

崑嶺山在民安八都自東大帽山迤邐至此平地突
起高厚如象形

廬山在縣東南四十里十三都柏埔洪青松卽山巔
同安縣志 卷之二 山川 九

建亭以祀朱子今漸頽廢

寶勝山下有寶勝營閩書唐金紫光祿大夫劉日新
乾符中追黃巢駐營此山之下浚陂塘以資軍食
後遂居焉里人名地曰劉營按日新一名祐其所
築陂在從順感化歸
德三里閒名官陂
今廢互見水利

大羅山在縣東北五十里上有羅山栖隱院或云開
創時鑿池得螺故名螺山西南之巔有蟻巖蟻鼓
猶存又西南有浮潮山相傳潮至其上與南安分
界

雲奇山在縣西北四里許峯巒攢簇奇若夏雲名人

題咏為多詳見古蹟

端山在縣西北十三里如人端坐舊名虎庵山明池

顯方讀書處名晃巖詳見寺觀

斗拱山在縣西北三十里高拱北斗上有石數片中

一石獨尊朱子鐫文山兩字旁一石有巨人跡周

圍皆樹苦茶澗產九節菖蒲西有高齊山下有全

歸庵諸生曾福號蘭谷道人所構

虎頭山在城西北十里嶽崎巉巖形肖虎頭上有興

同安縣志 卷之二 山川 十

福寨為倭寇所據寨中清泉舊志云一人汲則一

人足百人汲則百人足

石澳山在縣西四十里澳口有石佛巖洞中鐫石佛

二身明池顯方有異僧奇刻畫佛像湧虛空之句洞右有石塔刻安樂

村洞背里許有寶蓋巖又上三四里極巔有青雲

殿中祀神仙每年八月鄉人多於此祈夢北行數

里奇石磊落 國朝李其蔚構磊園有一徑巖關

泝石厂室函天峽嘯月臺眠雲榻得月窩諸勝斯

蔚紀概詩不識崢嶸山路孤村掛隴頭斜陂橫鳥道
鏤樹出僧樓杖笠稀騷客樵蘇擁女流誰憐巖岫

裏時抱白雲幽又為愛武陵溪沿流尋口入初巒
數碓迎漸進羣峯揖深竹裏禽聲濃烟蒸石汁客
來僧不知靜對梅花立又巘岼如扼塞轉側入烟
蹊磧夏雙流咽巖招一磯栖何人尋懷右有客閉
關西恐熟桃源路幽禽莫亂啼又乾坤寥廓內片
厂是吾廬已放支山鶴猶畱澗水魚泉聲穿石瘦
梵唄隔花疎自分宜邱壑休猜閉幼輿又越澗攝
層梯遙峯供面僚懸巖古木廉攬石蟠根怒興到
客摩崖心空僧倚樹斜又有崕山澳嶺觀音崕諸
陽霽滿山飛鳥將來度

峯律翠峻嶒蜿蜒環抱內藏村落境甚幽邃

白虎巖在縣西南四十里許石壁十餘仞空竅玲瓏
東有西湖約十里可通往來舊有白虎為害巖僧
能制之後僧騎虎入洞偕化

同安縣志

卷之二

山川

七

大尖山在縣西北四十里高插雲霄與安溪分界
龜洋山在縣西北四十里其形若龜有化度慈相雙
林三院今廢

苧溪山在縣西四十里下有苧溪唐末宋初山逕未
闢幽險難行故釋清豁有鳥道羊腸之句

三重山在縣西三十里方輿紀要複嶺重岡高聳千
仞

鳳山在縣西五十里平地突起四圍赤山環映宛肖
丹鳳翔舞山南烟火千家為灌口墟

仙棋山在縣西五十里崔巍甲諸山其頂有巨石
餘狀如棋盤旁有一石指臂宛然

夕陽山在縣西七十里以山接落日名閩書上有遁

跡巖唐宣宗居邸時嘗遁跡於此與黃蘗斷際和

尚觀瀑聯吟又有真宗寺唐宣宗詩惟愛禪林秋
月空誰能歸去宿龍宮

夜深聞法餐甘露
喜在蓮花世界中距寺里許有石方二丈有巖號

國師巖國師僧懷暉也巖前有石橫臥狀如鼓叩

之作鼓聲石有二竅相傳宣宗時出米供食宣宗

去遂不復有山澗有橋鐫浴龍池三字宣宗將至

同安縣志

卷之二

山川

七

先一夕寺僧夢伽藍云明日有皇帝浴此至期見

之稽首呼萬歲詰其故曰伽藍神現夢及入寺宣

宗指神額曰饒舌頭為西轉至今塑像仍之明池
顯方

詩身向水中坐水從耳邊過總是色與聲二塵未
打破一竅纔鳴雷萬壑爭呼和佛燈胃高松舉頭
月雙箇枝尖露欲流峯腹雲自磨如何名此山僅
枕夕陽臥我夙煙霞癖一勺瘳清餓住寺如住家
問歸心已情白龍三載潛波濤念未控鸞驂忽相
迎猿鶴不來賀瀑布石痕存泉道卻飛左空餘聯
句詩于古
傳殘唾

文圃山在縣西南八十里濱於海南界海澄名十八

面山

石賡記土無頑石木無荆榛中有三賢堂閩書唐
人謝脩及弟修主簿洪文用及族人澤又宋處士
石蕢俱隱居山之下清風高節後先輝映嘉定間
里人楊志築堂以美之西蜀何致一為記佛刹以
雲名凡四雲嶽雲峯雲泉雲嶠皆文圖支峯又有
龍池巖巖上有寺久廢明萬歷間重建

明盧岐巖
重興龍池

巖記畧同已西九十里有山交圍龍池巖者即其
支分為一境界也巖之廢舊矣世傳池之中有神
物變化故名焉歷世變為兒童所薪牛羊所牧巖
宇為墟獨址黯然存焉噫亦厄矣考之蓋由唐二
謝二洪發科隱遯之處宋紫陽簿同嘗登臨玩眺
故有三賢堂之遺址山因人重也余夙過同會注

同安縣志

卷之二

山川

三

遊焉其山則射空而峙烟霞舒歛有拱顧踴躍之
勢其江則萬頃茫然晝夜波翻有奔騰激怒之聲
至若天近藤蘿水在樹杪龍池鑑光古榕垂蓋神
仙丹竈苔蘚猶護娑娑雙柱時噴天香而怪石如
虎如屏如鼓之狀皆十八奇之勝者洵大觀
也萬歷庚辰僧普輝重建歷五載而巖始完

尋又頽廢

國朝乾隆三十二年栖柵潘振元捐

金重建半山有泉南巖即石蕢所居歷年久遠廬

舍俱頽圯無存

國朝邑人黃濤乃於三賢堂舊

址建為華圃書院其週環泉石之幽奇者悉爬梳
而剔抉之復列為十二景曰印月池曰磊巖曰穿
雲峽曰笏拜軒曰觀海寮曰拍石門曰蘊玉居曰

憇亭曰名山鐸曰石屏曰躍龍橋曰三疊瀑而文

園之勝遂甲於邑中

國朝黃濤華圃全圖記華圃自文圃山中幹迤邐南下

層巒疊嶂中開一谷谷有數處湧出匯為淵兩山翼淵西流北為龍池寺寺崖古木濃密庭前雙鏡樹不知幾年代孤特之勢參天南為栖賢舊址奇石沿淵時如獸如鯨如蒲團如疊拍難以悉狀泉則到處皆有為池為激湍為飛瀑潺潺之聲不絕其西南可望海晴空碧浪飛帆出沒頃刻萬有斯亦文圃一大勝槩也夫山有以人傳者人亦有以山傳者誌稱謝石諸賢文藻耀世山之名因之是山以人傳矣然余觀斯山洞壑天成曠如奧如實為海濱最亦豈必賴人傳者今雖因其舊蹟拓為名勝惜余老矣不能著述藏以傳之夫亦存其所可傳以俟夫後之能以人傳者

良才山在文圃山下為唐僧懷暉里

同安縣志

卷之二

山川

十四

臥龍山上有龍山巖

崑山在文圃山南閩書有盤石巨人跡宋道士虛極

建庵於此徽宗賜號金壇郎

天柱山在縣西危峯屹立與長泰縣分界

岑坪山下有瓦窰亦名窰山

西大帽山在縣西南八十里與東大帽俱以形名

吳淮山在縣西北三十里高出雲霄或云可以望吳

淮故名

洪巖山在縣西北千里石巖高大昔有洪姓者嘗隱

於北

西山在縣西十里許亦名天龍山上右巖曰西山巖

又曰白雲巖

明劉存德討龍宮掩映碧雲間南北高峯聳兩關絕壑風迴無鳥度斷爐

火活有僧還春郊路接平蕪遠白社身隨化鶴閒極目盡窺滄海外放歌聊以振頽頽

石鐘

中湧聖泉四時不涸舊有童謠云西山茂同安固

西山現同安變宜禁採樵云

蓮花山在縣西三十里峯巒聳秀狀若蓮花又名金

冠山亦曰夫人山舊傳此山與寶蓋山相映多產

貴女山腰有石巖朱子題其上曰太華巖上有泉

同安縣志

卷之二

山川

十五

隨海潮汐號潮汐泉石鐫靈源二字亦晦翁筆也

巨闕山在縣西三十里與蓮花並峙山上石壁千尋

山腰多生石竹又名竹院有長松高數百尺鬱蒼

拳曲成老龍鱗為五倫山發脈

五倫山在縣西三十里五峯森列山下石馬潭形如

圓鏡飛瀑噴沫有午虹晴雨之異有天然石塔

高數十尺下一山若鯉吐珠其麓為葉賢媛墓

國朝劉蔚詩百尺龍潭春躍鯉千尋石塔曉陵雲大倫羅列五峯翠水遠山高娘子墳

豪嶺山在縣南三十里山腰有石鐫祈雨道場四字

僧惠明所立 國朝邑令唐孝本嘗祈雨於此立
應

金鞍山一名天馬山上有龍潭大旱不涸天將雨龍
擊水聲如鐘磬時有五色蠙流出下有廟卽朱文
公真西山祈雨處

寶蓋山一名寶傘一名美人山雲鬢翠黛秀麗天成
聖水泉山在縣南三十里山有慈雲巖以其建於宋
端平亦名端平巖巖前有方石數丈橫鐫大方廣
佛華嚴經七字巖後有石蛤坑深洞石上刻枕石

同安縣志

卷之二

山川

十六

漱流四字相傳爲康爾韞筆又斗尾山頂有方流

瀦水大旱不涸

明蔡獻臣遊端平山記端平巖三
面皆山獨背有村落田地而邑西

山峭立其後前擁小西山望之甚秀拔戊戌歲爲
先君卜葬與老堪輿徐公乾者從大嶺登其前峯
峯頂有方池瀦水大旱可決旣田南面碧海若帶
尋寄午炊於僧舍今二十載矣乙卯二月欣然有
重遊之想遂肩輿獨往度石橋扶掖而行至覺憊
甚稍憩窮巖際石室坐於石塔之下茶時日已
曠岫矣遂至巖前山腰石逕蓋望向池若絕境矣
聖水半甃在刹後面階下又半山盤石上有穴深
尺餘舊傳穴水通潮汐今惟一勺潢汙耳茲山逕
路崎嶇不減西山而盤紆巉巖岑蔚之趣勝之其
西南峯壘石及塔下諸石尤奇倘獲
考槃於茲老焉亦幽人之佳致也

金山在縣南四十里其山圓麗屬金星旁有九保山

五營山在金山南抵海突起一山下多盤石上有墩
早前明倭寇土人團練鄉兵防禦多於此瞭望焉
又海氛 靖時官軍嘗置營壘故名五營今有峰
墩遺址

普陀山與金山相連上有清水巖 宋邱葵詩普陀巖
蒼榕樹借我今
年兩度遊客思淒涼無奈老水光激灑最宜秋便
思乘興遊滄海卻恨知心少白鷗日暮強從年少
夫溪山好處盡成愁

雙髻山兩峯並峙亦名鐘鼓山

泗洲嶼在縣南四十里周廣二里餘當縣丙方故名

同安縣志

卷之二

山川

七

云縣兩溪流入巽方而此嶼在丙文明之象也
白嶼在翔風里十三都周廣四里縣東西二溪之水
夾流而行由是嶼入海嶼兩頭昂起狀如雙鯉朝
天中間低伏望之若與海平有清泉一泓漁人常
於此汲焉

寶珠嶼在高浦所前海中沙嶼也狀如珠閩畫早竹
深入丈許風颺浪淘沙聚自若

離浦嶼在嘉禾甲高崎西北以與薛浦相離故名
小擔嶼周圍四里

檳榔嶼與小擔相望以形似名

大擔嶼在縣東南海中周圍五里外連舊浯嶼水寨

內連小擔嶼為廈門海口石鐫第一津相傳宋幼

主過此擲棄舟中累物後水發光怪漁人於此得

古研 國朝范咸登大擔嶼詩瞥見山坳翠欲流

葱龍密樹景清幽嵐光遙與羣峯別海色還
看四面收日暮碧雲驚異彩雨過寒氣逼
深秋天南鎖鑰橫江外不放鯨魚夜出遊

嘉禾嶼在縣南海中廣袤五十里以嘗產嘉禾故名

明中左所地海門扼要處也一名鷺嶼又名廈門

上有薛嶺覽勝志薛沙卜居嘉禾嶼人稱所居嶺

同安縣志

卷之二

山川

六

為薛嶺嶺之南陳黯宅在焉時號為南陳北薛 宋張

翥詩衣冠陳氏族桃李薛公園場老遺文古巖僧
舊跡存苔磯荒磧岸金榜勒瑤琨已憐松特異尤

喜石 又有洪濟山為嶼中諸山之冠上為方廣寺

黯濟巖雲頂巖 明池顯方洪濟山詩長川展鏡蘸
嬌顏幾片雲花貼翠鬟九萬里風

生足下八千國土在眉閒曉鐘未動鷄銜日暮樹
多塞鳥背山一夜何聲喧不住應知虎豹扈天關

又雲頂巖詩新栽松檜已齊腰秋老芙蓉尚插霄
烟外家鄉繞一水石開姓字半前朝但看野色無

城市難判天風異海潮白鷺遙
汀飛不見寒雲幾縷傍衣飄 雷雲巖一片瓦風

動石星石諸勝絕頂有觀日臺鷄鳴時遙望日如

火輪從海中躍出甚奇又有金榜山黃色如列榜

陳黯讀書處

宋朱熹金榜山詩陳場老子讀書處金榜山前石室中人去石存猶昨日

營啼花落幾春風藏修洞口雲空集舒嘯巖幽草

自茸應喜斯文今不泯紫陽秉筆紀前功明丁一

中詩麗日明金榜春風掃玉臺舊迎仙子駕今復

令威來池顯方金榜山訪陳希孺隱處詩潭雲鳥

樹候多年詎料開荒是穎川石兔麥田陪古碣

魚貧港熟冬天子陵嚴瀨猶傳姓司馬終南不作

仙人去山空潮亦異

浪花長撲釣磯邊

號曰場老後人稱其山為場老山山上有大石刻

迎仙二字築樓其上今架梁之坎尚存旁有石壁

立高十六丈名玉笏又有石鐫談元石三字去山

里許臨海有石如鷹下小石如兔俗呼為鷹搏兔

同安縣志

卷之二

山川

九

黯釣磯也

明丁一中題釣磯詩當年垂釣者終古坐寥廓借問任公鼈何如令威鶴劉存

德次韻有唐場老叟高懷海天廓昔晦一絲綸今

顯丹臺鶴又嵯峨一片石可比嚴臺廓寂寂幾多

秋知翁

維少鶴後人築海為埭今在田中又貫營港口有

動石潮至自動又有浮沈石潮至則浮退則沈風

將起則石下有聲亦名石虎礁又去廈門城南三

里為蜂窠山高懸如蜂窠前望海中有玉沙如帶

若隱若現有白石頭大十數丈有七星石森列海

中六里為五老山五峯森列如五老圖中有無盡

巖大石嵌崿其下虛敞宋僧文翠建普照寺今名

南普陀

宋滕翊詩海翻波浪繞危峯無盡巖前此界空不是灰心求佛者片時難住寂寥中

又有白鹿洞左右多崩崖立石中有亭樹掩映林

端

國朝陶元藻遊白鹿洞詩透迤鷺門山曳屐歷奇變石骨排天青雲端象獅戰雕鏤神鬼工

玉切雲可片元牝入虛無心悸目亦眩將奔勢復

迴欲墜根尚戀晦明兩難分漏日僅容線已窮搜

抉心復闢蒼翠面巖嶂與軒楹參錯相隱現半椽

香積廚十笏彌勒殿陰崖洩乳泉老樹坐海燕空

谷人語靈風其背為虎溪巖一名玉屏山上有厂

至冷然善石鐫摹天石三字明時有嘯風亭

明池顯方記鷺之虎溪山一名玉屏山秀峭嶙峋下有穴昔虎居之人跡希至乙卯冬予尋幽到此心賞奇觀因建刹名玉屏左為大雄閣稜層洞夾天逕後為石室上為雙鯨石又有六通洞宛在洞秣陵將軍胡真卿視師海上以

同安縣志

卷之二

山川

三

磴道紆迴大費遊屐砌石亭於腰枕山瞰海名嘯

風亭夫陟危石者目瞪多華足企多藹氣奔則靈

神泄則搖故有層巒絕壁以役之必有刹與洞以

休之而後日不華可以睨六合足不藹可以躡雲

衢氣不顛可以通帝座神不搖可以攬太虛則斯

亭其須彌之日宮寶所之化神也然則何以曰嘯

風從虎名也亦將軍自寓也又虎溪詩松閒長榕

各屈蟠諸峯起伏復多端過溪何止三人笑入洞

方知六月寒杯影頻移依怪石夕陽更愛倚闌干

幾回餐得天風慣凡骨還應長羽翰又殘石疑經

蠹幽山訝有龍遊人

國朝康熙閒威略將軍吳

風雨夕不敢望前峯英重建雍正閒同知李暉重修又有醉仙巖石竅

泉深二尺味甘可釀里人贊為小井塑九仙祀之

巖頂巨石刻天界仙巖等字

明倪漭記山距城半里許山之麓古傳醉

仙俗循其名不審何謂忽小童見積沙有小竇開
入持一滋爐奉祀池大夫集耆老募工開鑿中有
大石瓦石汁滴滴下聚於石竅竅深近二尺水常
滿挹盡復滿水漿色味甘恍似錫山第二泉可爲
酒其名醉仙以此故乃築小井前後各室一區塑
九仙祀之余以公務至城陟其上壘翠並峙城垣
廬舍環抱足下海潮隱隱有聲兵舟賈艇旗幟鐘
鼓之狀或遠或近應接不暇亦大奇矣夫方其壓
於沙礫也樵夫豎子之所不視及其成巖大夫士
衣冠拜之詩酒樂之終歲無寧日山石亦然況士
乎不遇知己誰爲之開沙礫而顯柱石之用是故
叔向之識駸明師德之舉仁傑世不稱士而稱用
者余生平推服大夫而嘆其用未竟故今其上有
有感其石而記之時萬歷癸未仲春書

天界寺 國朝僧月松募建又有仙跡石棋局又

城東二里許爲萬石巖沿澗上百餘步磊石插天

同安縣志

卷之二

山川

三

至巖屏有明張瑞圖鑄漁問二字旁有石洞深可
半里紆徐曲折泉流其中廓處可坐數十人 國

朝康熙閒靖海侯施琅建寺 明黃克晦詩結伴遙尋太乙家峩峩萬石

映孤霞坐中峯勢天西側衣上蘿陰日半斜風擲
無人飄翠瓦雲巖有水浸苔花何年更駐蘇耽鶴
靜閉閒房 田萬石而上有中巖太平巖從太平越
共轉砂

山二里許爲萬壽巖有巨石鑄無量壽佛四字左

有石洞又二十一都有虎山北拱縣治相傳萬歷

初建塔其上爲水口捍第攷明郭貞一募修虎山

塔序有一修於嘉靖二年至二十一年而雷災再

修於萬歷七年至去年而雷又災之語則塔之從來已遠山麓有龍湫亭下有龍洞四時不涸山北有文公山以朱子嘗遊其巔故名其右雙石對峙號仙石又東近五通嶺有烟墩山下有官榮石閭書宋幼主至此民有餽獻者悉予官陸丞相秀夫書官榮二字刻之

嶼上諸山多從閩書增

去城里許有虎頭

山在海濱危石聳起上戴兩小石如虎耳故名虎頭與鼓浪嶼龍頭相對城東北二里有陽臺山峯

巒從十秀為諸山冠帶溪之水所從出有金山在黃

同安縣志

卷之二

山川

三

水橋赤色金星上無草木有望高石在水仙宮高可望遠五六月間登此以睇洋航初見一點頃刻如山又鴻山上有石砦遺址中一罅名龍喉莫測其深以石投之響久而後歇相傳為昔人避亂處即今鎮南關

黃牛嶼有龍腰渡古讖云龍腰斷黃牛平嘉禾出公

卿

鼓浪嶼在嘉禾嶼右上有大石刻鼓浪洞天四大字左有劍石印石浮海面下有鹿耳礁燕尾礁

明丁

詩須彌藏世界大塊得浮邱巖際懸龍窟寰中構
登樓野人驚問客此地只隣鷗歸路應無路十洲
第幾洲又一水烟分嶠沙洲客共登崇巖參佛古
爪逕躡雲層遂作凭虛觀因逢彼岸會何能拋絃
寬長此旁為日光巖有寺 國朝乾隆閒僧瑞球
覓三乘

募巡道白瀛邑令張荃紳衿黃日紀石以濟等修

大嶝嶼在縣東南翔風里十六都周廣十里多村落

嶼之西與十四都交界有沙線在海中號東糧線

廣袤二三里潮則沒汐則現多產海錯以資民食

故謂之糧線

小嶝嶼在大嶝東宋邱鈞磯家於此下有品泉一名

同安縣志

卷之二

山川

三

仙人井又有石天然方二尺琢為棋局中道鐫萬

幾分子路一局笑顏回踰局稍西鈞磯在焉又東

半里許為鍾山宋時有章法寺今廢

宋邱鈞磯章法寺詩一入

紫雲深更深遊僧亦喜不相尋已無塵事敗人意
時有書聲雜梵音浩氣養成天地小欲心掃盡鬼
神欽人生能有幾七十自愛當如百鍊金又章法
山房詩四壁義六卦曾因學易居今來三十載只
有一空廬境寂含羣動窗明網
太虛無人悟元理梅竹翠扶疎

涪洲嶼在大海中距縣治百餘里明金門千戶所也

閩書地廣袤五十餘里民業澳鹽土篤詩書科目

為盛臨海有石鐫字云金門外谷神完賊舟泊誰

生還明僉大猷守金門題其石曰虛江嘯卧其門
人楊宏舉繼治於茲命構亭曰嘯卧亭旁有寶月
庵上有太武山山有十二勝曰太武巖曰王几案
曰蘸月池曰眠雲石曰偃蓋松曰跨竈石曰石門
關曰古石室曰翺眼泉曰倒影塔曰千丈壁曰一
覽亭士大夫多題詠上有海印室其南又有南大
武特立海中昔人有要知海印分明處一點青山
下大江之句爲人傳誦惜失其名

明豐熙詩一山高出萬山巔絕

頂相傳舊有仙朱草紫芝雲外地碧桃紅杏海中
天石盤棋散收殘子樂竈丹成起斷烟借問王喬

同安縣志

卷之二

十四

真甲子尋常太武之南爲太文山爲雙山二山大
七日是千年

小突兀形若雙乳大山面結平林諸鄉小山南爲

後浦金門又有虎山形如伏虎與青嶼獅山相對

俗呼五轉而西南三山突起圓若連珠其大者如
虎朝獅

龜左右二山會繞如蛇名曰金山

嶼上諸山多從閩書增

變山亦海島也將雨則現晴則隱海中礁石潮退後

時露馬跡

夾嶼周圍五里在金門大小嶼之間

烈嶼在浯洲東廣二十里居民多業漁鹽嶼前有牧

祠有軍營嶼後有馬寨有草堂相傳唐監察柳冕
置萬安牧監處

川

東溪在縣治東鴻漸門外發源東北大羅山南歷長
興里與曾溪水會曾溪發於縣東北曾溪嶺下
東南行三十里與東溪合透
施至第一溪第二溪第三溪抵太師橋過銅魚橋
與西橋合

西溪在縣治西豐澤門外發源安溪界歷感化里與
竹山坑水合於池洋西流至董坑折而南又合湖

同安縣志

卷之二

山川

五

溪上澳三滌上西洋上龍山諸水繞縣治徑西安
橋與東溪會東行十里入於海萬歷府志兩溪會
處有銅魚金車二石為水口雄鎮溪中有三石形
如魚色如銅故

名古識曰銅魚水深朱紫成林又曰銅魚石上排
金車此是公侯宰相家故城與橋名銅魚館名金
車朱子為之題字刻石曰中流砥柱後金車如故
而銅魚漸沒沙泥中明萬歷壬子邑令李春開力
為清出得石魚三石珠一築石環之建亭其上扁

日觀化

明蔡獻臣遊銅魚亭詩神魚迎水躍天馬
護亭斜奇蹟何年隱勝遊今日誇午風催

急雨夜月坐平沙隔堞
堪呼取如澠不用賒
未幾復圯
國朝康熙癸

巳邑合朱奇珍廓而清之屬邑人王良修復立碑

其側朱奇珍記石以魚名何肖形也魚以銅名何

肖色也名之者誰紫陽夫子也夫子俯察地

理引城濠之水以注焉泉流活活三魚潛躍圓珠

則吐石亭蔭蓋寧唯是遊觀之娛哉識曰銅魚水

深朱紫成林夫朱紫非夫子意中事也爰考南宋

而後許王邱林諸君子後先傑作類皆探天人窮

性命紹往聖開來學實唯銅魚既浚理學輩出也

嗣後海氛作孽池亭溝渠填為市肆所謂銅魚者

沈埋沙礫之中近一百餘年而道學一派遂爾絕

響余來此年餘心焉戚之而以高士軒文公祠以

及志書監城諸大役極力修舉苦拮据無從行且

付為他時憾事矣乃今王君遂侯翻然首肯以身

任之數百年先聖遺蹟不兩月間煥然復其舊是

役也匪獨襄予不逮也蓋亦隱以聖賢事業厚望

同安縣志

卷之二

山川

三

之吾同人士焉噫意何厚也而余也東裝載道不
獲與邑中二三君子借山川之靈以求進於聖人
之域徒抱夫子之遺編以終老於湘水湘山之間
則此一段修復因緣不能不揭出以詔後人者也
時康熙癸巳重
九後十日記
無何洪水衝決復為市民壅塞乾

隆丁巳邑令唐孝本大加清理周圍環以石欄盡

折亭旁浮店二十年來市猶占築銅魚埋沒如舊

乾隆辛巳邑令鄒召南詳准興復命諸生葉廷梅

林其新董理之仍折浮店永禁架屋開濬城濠通

水入池即舊基築亭仍名觀化增高扶欄立石明

倫堂以誌其事
國朝高有繼銅魚賦石繫以魚
肖形而號魚繫以銅肖色而稱誰

同安縣志

卷之二

山川

三

其名之紫陽遠示誰其記之朱侯近承既取象之不爽自志乘之必登銅採於山斑駁何時沉水魚在于渚泳游未可懸晉爾其邑附輪山溪傳古蹟俯眎驚湍下臨怪石區劃顛顛水流瀧澗萍破而有欲闖澱深而尾疑拍曰雷曰路刻以桐而亦宜維鯢維魴貫之柳而不獲若乃馬鬃誤點夾谿漲圍木華之賦海難言彷彿郭璞之賦江未狀依稀溢浪炭漫而頽岸奔湏破釗而摧磯颶起訇哮方看腹腳以出簸雲來合沓欲睨鬢鬣而伸威至如候值潦盡時屈潭清蝦跳見顯鯀舞分明賽叔鮪之在激演彙王鱸之在靜潛鱗六六如可數飛九擬將橫魚則眎之了了銅則觸之錚錚又或蒼蔥龍灌芊蕞翹莖漢濯菜覲閒俯乍浮文翼適煥頌首莘尾在水一方腸乙枕丁于江之畔銅柯鍊鍊化爲虬而蜿蟺石色金聲狀以鯨而粲爛是使蘆人空帶斧箸而旋來漁子自善衫袴而畢散思夫昔際綠灣今鄰囂閭頗受沙土之污未免塵乞之穢然而豎以疎欄邑紳之整頭匪輕除其不濁

有司之凡一難背况夫天產奇物瑞應所關修復之目綠有數朱紫之讖語不刊寧第兆出公卿遙聞斷渡於牛嶼何但吉徵文筆近仰巍塔於鳳山此則石繫以魚啓玉帶金魚之交錯魚繫以銅兆銅章紫綬高聯颺銅魚詩偶到溪南景最幽奇踪之斑斕相賞覺悠悠波中魚漾神機現石色銅嶽寶氣投鑄鼓何人來考擊佩符有客憶沉浮衡山海市韓蘇咏不用還尋勝地遊

蓮溪在縣東四十里發源鴻漸山自民安里蕭外村經蔡塘又一發源東大帽山經長興同禾二里合於林溪寶溪經崑嶺登連與蔡塘會流至董水村過通濟橋東入於海

小同溪在縣南發源於縣西北洪巖山東過達川橋

至亨泥村入海

苧溪在縣西四十里發源於縣北白桐嶺

萬歷府志作蓮山峯

歷苧溪橋至海豐莊後溪頭入海

舊傳唐宣宗為蘇氏築陂於此

溉田十餘里

沙溪在縣西十五都發源於長泰縣界歷仁德里與

三重山水會又歷沙溪橋至林埭村入於海

後溪在仁德安仁二里之界苧溪考溪諸水到此會

流入於海

雙溪口在安仁里灌口南方礫下黃莊二小溪之水

同安縣志

卷之二

山川

天

到此合流由前場社前入海

深青溪在安仁里深青社邊源出仙棋夕陽諸山經

深青橋流五六里達海

嘉禾里橋溪源出獅山曲折西流經天界寺前匯於

水磨達於海 水磨坑經萬石洞過深田汎至嶽

廟前入海 帶溪出陽臺山經白鶴嶺至于門

入海 雙溪一出石泉經前園至於橋亭一出白

鹿洞山下經靖山至于南門同流為霞溪入於海

龍舌溪在潘厝宅社出洪濟山北流入於海

古樓溪亦出洪濟山東流入於海 香龕社前後

溪一出紫占山經萬壽寺前一出西孤嶺經金榜

山後皆入於箕管 蓮溪山洪濟山至蓮坂社前

達於箕管 港口溪出東坪山經上李社至于曾

家安入海

梵天聖泉

在梵天寺後雷月巖下冷沁心脾能療暑毒大旱不涸年久失所在僧法海尋得之

鑄于石

麒麟泉

在大輪山朱子祠西泉上石壁鑄麒麟形故以名泉其味清甘與聖泉亞

翰墨香泉

在大輪山紫陽書院西出小石竇舊伏土中乾隆甲戌洪敬璜因修書院得之鑄翰

同安縣志

卷之二

山川

二九

墨香於石

帛泉

國朝劉蘭記泉在孤卿山之麓葉郡馬墓前宋少卿林棊所闢久涇為瀆別流混焉甲子秋

余於葉叟家偶閱古邑乘訝今志之闕因同叟探尋大疏瀆水水竭泉從西北瀕出濫觸噴瀉如裂帛汲以試茶香味勃發不下於聖泉聖泉失而復得帛泉淤而待蠲物之顯晦原有其時也寧徒一泉為然哉

西源溫泉

在感化里平洋田中明隆慶元年同知了一中有銘

玉花泉

在長興里三秀東麓燈火石之傍泉從石罅湧出花似牡丹玉色可愛里人黃銓宸鑄玉

花泉三大字於石又鑄詩云石罅通幽曲泉聲老古今

黃塘溫泉

在長興里一二三都之溪水中

聖水泉 在從順慈雲巖下盤石上孔深尺許大旱不竭舊傳與海潮通

小崎溫泉 在民安里十一都一在田中一在地岸皆從石中流出大旱不涸天然石池不假修砌

湯岸溫泉 在積善里十八都明成化乙巳知縣張攸命耆民周體義蓋亭其上

瑞泉 在縣東南十六都海崖中有石如白宋隆興中泉始湧出病者飲之而愈因名瑞泉見萬歷志

鱗眼泉 在涪洲太武山上 龍井泉 在涪洲賢聚鄉

華巖泉 在涪洲城南門外 將軍泉 在涪洲前水頭金龜尾

石竅泉 在廈島醉仙巖味甘可釀里人甃石為井

白嶼甘泉 在翔風里白嶼墓前其味清甘可以試茶大旱不涸 國朝侍衛高華松祖

同安縣志 卷之二 山川 三

洪前鹽泉 在翔風里方輿記要在縣東十三都東山浮洋中海潮所不到每風日晴明輒有小

鹽自沙土中流出鄉人因取而淋之可煎成鹽

北山龍潭 在一二三都北山廟邊祈雨多應詳見山

廣濟龍潭 在一二三都廣濟巖自巖南瀑布飛落可祈雨有物若蜥蜴狀則雨至

南峯潭 在縣南三十五里潭上有堂宋淳熙間縣令鄒君顯將祭於潭一夕雷電交作火光如炬

須臾大雨堂前古木皆焦因書壁以紀其事

侯山龍潭 在六都 溪東龍潭 在九十都歸得里山麓下百餘丈有大盤石石大者如箕小者如碟俱

清水深莫能測天將雨谷底有聲如雷

石馬潭 在九十都歸得里潭畔怪石錯出流水沿石泓而下注

漆坑潭 在九十都歸得里每禱雨有聲如擊砵則雨應
龍湫潭 在縣西嘉禾里舊傳龍穿出分三竇其下相通

西山龍潭 在西山白雲巖大旱不涸

飲馬池 在出米巖山麓大可五六尺深僅尺許雖旱不涸相傳宋幼主駐蹕時會於此飲馬

按同邑之山自大尖綿延而來至於芹山支分三秀挺峙卓立為邑北鎮頓伏十餘里逕東山入城

東山即應城山西北隅突起葫蘆山稍轉而東縣治居焉

去城東北里許為大輪山與輪山相接者為應城

山與輪山相對者為同山諸如九躍孤卿皆隸於

同安縣志 卷三 山川 三

縣治而輔翼者也自北而東若北辰獬豸象運東

大帽三魁鴻漸鵲山香山廣山乍畫山東山登連

山鷺山福船印斗崑嶺廬山寶勝 從閩書增 大羅山羣

峯蜿蜒至海而止自北而西若雲奇端山斗拱虎

頭石澳白虎大尖龜洋芋溪三重鳳山仙棋夕陽

文圃良才卧龍 二山從閩書增 崑山天柱岑坪 二山從閩書增 西

大帽吳淮洪巖崢嶸攢簇相為旋繞西南則西山

蓮花巨闕五倫豪嶺金鞍寶蓋聖泉金山五營山

晉陀雙髻南面之矣山也遵南為大海中有嶼十

數曰沔洲白嶼寶珠離浦小擔大擔檳榔嘉禾黃

牛

從閩書增

鼓浪大嶼小嶼浯洲變山

從閩書增

夾嶼烈嶼

海國之門戶也水分東西二溪東發源於長興羅

山由曾溪南過銅魚橋者曰東溪西發源於安溪

縣界由感化西折經西安橋者曰西溪兩水合流

入於海其外則東有蓮溪南有小同溪西有苧溪

沙溪後溪深青溪以及廈島諸溪皆分流別派自

歸於海而泉與潭則又各著其潤於溪之外者也